


Sarobidy ny Aina (Fizarana 2)

Miorina amin'ny boky *Inona Marina no Ampianarin'ny Baiboly?* toko 13, azo jerena ato amin'ny jw.org.

TANJONA: Hamantatra hoe inona no inoanao ary nahoana, handinika izay ampianarin'ny Baiboly, ary hijery ny fomba hanazavana an'izay inoanao amin'ny hafa.



NAHOANA NO TSY AVELAN'ANDRIAMANITRA HAMPIASAINA NY RA?

1 FANTARO IZAY INOANAO

Inona no mety holazain'ny olona?

Ary *ianao*, inona no inoanao?

Nahoana ianao no mino an'izany?


2

DINIHO IZAY AMPIANARIN'NY BAIBOLY

Masina ny ra amin'Andriamanitra. (Jereo ny boky *Ampianarina*, toko 13, fehintsoratra 10-16.)

Vakio ny Genesisy 9:3, 4 sy ny Levitikosy 17:13, 14.
Nahoana isika no tsy avelan'Andriamanitra hihinana ra?

Vakio ny Asan'ny Apostoly 15:28, 29.
Tokony hihinana ra, na hihinana hena tsy nalatsa-dra, na hanaiky hampidiran-dra ve ny Kristianina?



Raha asain'ny dokotera mifady toaka ianao, dia hampidirinao amin'ny lalan-dra ve ilay izy?

Zavatra iray ihany no azo nampiasana ny ra, araka ny Lalà'n'i Mosesy.

(Jereo ny boky *Ampianarina*, toko 13, fehintsoratra 17-19.)

Vakio ny Levitikosy 17:11.

Inona no soa noraisin'ny mpanompon'Andriamanitra fahiny, avy tamin'ny fampiasana ny ran'ny biby natao sorona?

Vakio ny Jaona 3:16 sy ny Hebreo 9:11, 12.

Inona no vokany rehefa nalatsaka ny ran'i Jesosy ka natolony ny ainy?

Inona no tsapanao rehefa fantatrao fa nanome ny ainy ho anao i Jesosy?

3 HAZAVAO IZAY INOANAO

RAHA MISY MITENY HOE...

Efa lany andro ny zavatra lazain'ny Baiboly momba ny ra.

DIA AZONAO VALIANA HOE...

Marina fa efa ela be no nosoratana izay resahin'ny Baiboly momba ny ra. Mino anefa aho hoe mbola mihatra amin'ny Kristianina izy ireny satria...

Inona ny andinin-teny azonao resahina amin'ilay olona?

Ahoana no hanazavanao an'io andinin-teny io amin'ilay olona?

RAHA MISY MITENY HOE...

Ahoana raha miteny ny dokotera hoe ho faty ianao raha tsy ampidiran-dra?

DIA AZONAO VALIANA HOE...

Raha efa atahorana ho faty aho, dia misy afaka manome antoka ve hoe *tsy* ho faty aho raha ampidiran-dra? Misy afaka manome antoka anefa hoe vitany ny mamelona antsika indray raha sanatria ka maty isika...

Inona ny andinin-teny azonao resahina amin'ilay olona?

Ahoana no hanazavanao an'io andinin-teny io amin'ilay olona?
